



CONCELLO
DE
RIBAS DE SIL
(LUGO)

CERTIFICADO ACORDO DO PLENO

D. DEMETRIO MARTÍNEZ MARTÍNEZ SECRETARIO - INTERVENTOR DO CONCELLO DE RIBAS DE SIL

CERTIFICO

Que en sesión ordinaria do Pleno de data 22.10.2020, entre outros adoptouse por unanimidade o Acordo do tenor literal seguinte:

Vista a solicitude presentada pola ASOCIACIÓN DE VECIÑOS DE VILACHÁ DE SALVADUR E A ASOCIACIÓN DE VECIÑOS TORBEO que tivo entrada na data 15.09.2020 (núm. 48) do seguinte tenor literal:

**MOCIÓN A PROL DO CAMIÑO DE INVERNO AO SEU PASO POR
TORBEO-VILACHÁ-ROZAVALES**

A Asociación de Veciños/as de Vilachá de Salvadur e a Asociación de Veciños de Torbeo presentan a seguinte moción ante o Pleno do Excelentísimo Concello de Ribas de Sil.

EXPOSICIÓN DE MOTIVOS

O 25 de xuño de 2020 presentamos un informe técnico na Dirección Xeral de Patrimonio Cultural da Xunta de Galicia. Este é o órgano responsable da delimitación dos camiños a Santiago de Compostela.

Este informe, baseado en documentación histórica e informes toponímicos, certifica o paso do Camiño de Inverno polas seguintes parroquias: Torbeo (Concello de Ribas de Sil), Vilachá de Salvadur (Concello da Pobra do Brollón), Rozavales, Vilamarín, Caneda e Santa Mariña do Monte (Concello de Monforte de Lemos).

A certificación deste itinerario comezou co informe presentado en 1999 polo Concello de Monforte de Lemos e encargado pola actual presidenta da Asociación de Camiños a Santiago pola Ribeira Sacra, Aida Menéndez.

A alteración do trazado produciuse entre 2005-2006 ao pechar o complexo de Augas Mestas que contaba cun catamarán que permitía o cruce do lado da Covela á Barxa e salvar así o río Sil.

A modificación por causas técnicas non nega nin desterra a tese de que o trazado orixinal fose o indicado anteriormente. Por tanto, con base no principio de rigorosidade histórica, o Camiño de Inverno orixinal debe recoñecerse como tal á espera das solucións pertinentes por parte das administracións públicas.





CONCELLO
DE
RIBAS DE SIL
(LUGO)

Ademais do citado informe de 1999, e como resultado da investigación levada adiante pola nosa asociación, incorporamos tres teses que reforzan o trazado orixinal.

1ª O topónimo de Rozavales foi imposto no século XII polo rei Afonso IX (o impulsor do Camiño de Santiago). Rozavales é a forma galega de *Roncesvalles*, que é o inicio do Camiño Francés e de aí a simboloxía da escolla. Ademais, acreditamos documentalmente a existencia dun hospital de peregrinos a cargo da *Confraría do Hospital de Roncesvales*.

2ª No *Tombo B* da Catedral de Santiago de Compostela dise que o rei Afonso IX doa a igrexa de Salvadur (topónimo anterior a Rozavales) á orde de *Hospital de Rozavales*. Por tanto, certifica a existencia dun "albergue de hospitalidade", como se entendía entón a palabra *hospital*.

3ª Documentamos, grazas aos textos dos mosteiros de Montederramo e de San Vicente do Pino, a existencia dunha ruta comercial ligada ao viño durante os séculos XII-XIX (por tanto, dun camiño de uso continuado) entre Torbeo-Vilachá-Rozavales que ía dar a Monforte de Lemos. Esta ruta era a usada polos peregrinos do Camiño de Inverno.

SOLICITAMOS

A existencia do Camiño de Inverno foi recoñecido oficialmente polo Parlamento de Galicia mediante a Lei 5/2016 do 4 de maio de patrimonio cultural de Galicia (art. 73).

A partir de aquí comezan os traballos para a delimitación do percorrido (que aínda non é oficial). Por este motivo a nosa asociación enviou o citado informe técnico, que podería contar (se for o caso e así o solicitase a Xunta de Galicia) co aval de institucións académicas e científicas coas cales xa falamos (Universidade de Vigo, Universidade de Santiago de Compostela, Instituto da Lingua Galega, Consello da Cultura Galega, Real Academia Galega e Consello de Toponimia da Xunta de Galicia).





CONCELLO
DE
RIBAS DE SIL
(LUGO)

Ademais, e para que conste nesta moción, en ningún momento esta asociación rexeita nin desacredita o actual tramo do Camiño de Inverno. Cremos que, como noutros puntos dos distintos camiños a Santiago (Samos-San Xil ou Tui-A Guarda), poden convivir as dúas alternativas de maneira oficial.

Por tanto, solicitamos a este Pleno:

1. O seu apoio á demanda desta asociación para o recoñecemento do Camiño de Inverno a Santiago de Compostela ao seu paso por Torbeo-Vilachá-Rozavales conforme á documentación histórica presentada.
2. O seu apoio para levar adiante as iniciativas necesarias para defender, difundir e promocionar este percorrido.
3. A súa colaboración para solicitar á Xunta de Galicia os informes pertinentes para o recoñecemento oficial do Camiño de Inverno ao seu paso por Torbeo-Vilachá-Rozavales.

Asdo.

Mario Vidal González
(presidente da Asociación de Veciños de Torbeo)

José Castiñeira Defente
(presidente da Asociación de Veciños/as de Vilachá de Salvador)

Xurxo Martínez González
(vicepresidente da Asociación de Veciños/as de Vilachá de Salvador)

O Concello de Ribas de Sil acorda por unanimidade prestar aprobación ao seguinte acordo:

PRIMEIRO: Prestar apoio á demanda da Asociación de Veciños de Vilachá de Salvador e a Asociación de veciños Torbeo para o recoñecemento do CAMIÑO DE INVERNO A SANTIAGO DE COMPOSTELA AO SEU PASO POR TORVEO - VILACHÁ - ROZAVALES conforme á documentación histórica presentada.

SEGUNDO: Prestar apoio para levar adiante as iniciativas necesarias para defender, difundir e promocionar o percorrido referido.

TERCEIRO: Solicitar á Xunta de Galicia os informes pertinentes para o recoñecemento oficial do camiño de inverno ao seu paso por Torbeo-Vilachá-Rozavales.





CONCELLO
DE
RIBAS DE SIL
(LUGO)

CUARTO: Notificar á Asociación de Veciños de Vilachá de Salvador, á Asociación de Veciños de Torbeo, ao Concello de Monforte, ao Concello de Pobra do Brollón e, como queda dito, á Consellería de Cultura e Turismo da Xunta de Galicia.

E para que conste, aos efectos oportunos no expediente da súa razón, de orde e co V.º e Prace do Sr. Alcalde, coa excepción prevista no artigo 206 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, expídese a presente en Ribas de Sil

V.º e Prace
O Alcalde,
Asdo.: Miguel Ángel Sotuela Vega

O Secretario,
Asdo.: Demetrio Martínez Martínez.

